

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/15, 03.03.2021թ.

Բողոք բերող անձ՝ «ՏԷՏԷ հաշվապահություն» ՍՊԸ

Պատվիրատու՝ Զառիթափի համայնքապետարան

Գնման ընթացակարգի ծածկագիրը՝ «ՎՁՄ-ԶՀ-ԳՀԾՁԲ -21/04» գնանշման հարցում

Գնման առարկան միջոցառումների կազմակերպման ծառայությունների ձեռքբերում

Բողոքի պահանջը՝

1. պատվիրատուից պահանջել ներկայացնել ՎՁՄ-ԶՀ-ԳՀԾՁԲ-21/04 ծածկագրով անցկացված գնանշման հարցման հրավերի տեսա/ձայնագրությունը,
2. ուսումնասիրել նշված փաստական հանգամանքներն ու փաստաթղթերը և իրավախախտում արձանագրելու դեպքում իրականացնել Ձեր լիազորությունները,
3. ապօրինության հաստատման դեպքում չեղյալ համարել անցկացված գնման արձանագրությունը և ըստ անհրաժեշտության պարտավորեցնել Պատվիրատուին անցկացնել նոր գնանշման հարցման հրավեր՝ օրինականության խստիվ պահպանմամբ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Քաղաքաղջի՝ Էդգար Սարահատի Ղազարյանից

Հասցե՝ ք. Երևան, Մազմանյան 4 շ. բն. 53

Հեռ.՝ +374 93 66 72 55

Գնումների հետ կապված բողոքներ քննող անձին

Հասցե՝ ք. Երևան, Մելիք Ադամյան փող. 1 հասցեով

Պատճենը՝ Գնահատող հանձնաժողովի քարտուղար՝ Ն. Սաֆարյանին

Էլ. հասցե՝ zaritap.vayotsdzor@mta.gov.am

ԲՈՂՈՔ

(01 մարտ 2021թ.-ի գնման գործընթացում տեղի ունեցած ապօրինությունների վերաբերյալ, ընթացակարգի ծածկագիր՝ ՎՁՄ-ՁՀ-ԳՀԾՁԲ -21/04)

Սույն թվականի մարտի 1-ին «Ջառիթափի համայնքապետարան»-ը (այսուհետ՝ Պատվիրատու), որը գտնվում է ՀՀ, Վայոց Ձորի մարզ, բն. Ջառիթափ 3-րդ փող. 15 հասցեում, հայտարարել էր գնանշման հարցման հրավեր: Համաձայն որի, այս ընթացակարգի արդյունքում ընտրված մասնակցին սահմանված կարգով պետք է առաջարկվեր կնքել միջոցառումների կազմակերպման ծառայությունների մատուցման պայմանագիր (այսուհետ՝ պայմանագիր): Նշված հարցման հրավերը ընդունելով՝ սույն թվականի մարտի 1-ին ճիշտ ժամանակին ներկայացել են հրավերով առկա հասցե, որպեսզի գնման գործընթացին հայտ ներկայացնեն և հանդիպել են գնման գործընթացում մի շարք ապօրինությունների, որոնց արդյունքում չեն ճանաչվել ընտրված մասնակից: Նշված ապօրինությունները ներկայացված են ստորև՝

- ՀՀ Կառավարության 04 մասիսի 2017 թվականի N 526-Ն որոշման Հավելված 1-ի 32-րդ կետը 2-րդ մասում սահմանված գնային առաջարկի պահանջներին չի բավարարել մյուս մասնակցի գնային առաջարկը, ինչի մասին իմ կողմից տեղեկացվել է գնահատող հանձնաժողովին և նախագահին և քարտուղարին: Մասնակցի գնային առաջարկը կցվում է:
- Հայտեր պարունակող ծրարները բացելուց և մասնակիցների կողմից առաջարկվող գները հայտարարելուց հետո պարզ դարձավ, որ մյուս մասնակիցը չունի համապատասխան լիազորագիր, որպեսզի ներկայացնի Հայտ: Հանձնաժողովի քարտուղարը պնդում էր, որ իրավունք ունի առանց լիազորագրի՝ հիմք ընդունելով քաղաքացու բանավոր հայտարարությունը, ընդունել գնման հայտը և գրանցել գրանցամատյանում: Սակայն ես առարկում

էի և քարտուղարը ստիպված՝ զագահարելով ավելի բանիմաց մասնագետների, համոզվեց, որ իրավունք չունեք ընդունելու հայտը: Վրոհիչյալ որոշման 26-րդ կետի 5-րդ մասի համաձայն. «նիստերը տեսաձայնագրվում կամ ձայնագրվում և արձանագրվում են, և յուրաքանչյուր նիստի արդյունքում նիստին ներկա հանձնաժողովի անդամները և քարտուղարը պարտադիր կարգով ստորագրում են այդ նիստի արձանագրությունը: Արձանագրությունը գնման ընթացակարգի արձանագրության անբաժանելի մասն է»: Սույն կետով նշված իրավաստիտուտումը կապացուցի տեսա/ձայնագրումը:

- Գնահատող հանձնաժողովը հայտարարեց, որ 2-րդ մասնակցի ներկայացված փաթեթը չի համապատասխանում օրենքով սահմանված ձևին և ինձ՝ «ՏԷՏԷ հաշվապահություն» ՍՊԸ-ին, հայտարարեց որպես ընտրված մասնակից: Սակայն 01 մարտի 2021թ.-ին, հայտերի բացման օրը, հայտերի բացումից մի քանի ժամ անց՝ 16:30-ի սահմաններում, ինձ զանգահարում է հանձնաժողովի քարտուղարը և տեղեկացնում, որ իր սեղանի թղթերի միջից գտել է համապատասխան լիազորագիրը, և որ մյուս մասնակիցը նույնպես ունի իրավունք մասնակցելու գնման գործընթացին, չնայած որ սահմանված կարգով նույն օրը ժամը 12:00-ին ինձ արդեն հայտարարել էր ընտրված մասնակից: Քարտուղարին զգուշացրեի, որ իր կողմից կատարվող գործողությունները անօրինական են և նա իրավունք չունի հայտերի բացման համար սահմանված ժամկետից հետո նոր փաստաթղթեր կցել գնման գործընթացին: Սակայն նա շարունակեց իր խոսքը և ինձ տեղեկացրեց, որ հիմա արդեն մյուս մասնակիցն է ճանաչվում ընտրված մասնակից և կազմվել է նոր արձանագրություն: Նոր արձանագրությունը կցվում է:

Արդյունքում, չնայած այն հանգամանքին, որ մյուս մասնակցի գնային առաջարկը չի համապատասխանում օրենքով սահմանված պահանջներին, և մյուս մասնակցի հայտը ներկայացնելու պահին առկա չեն եղել համապատասխան փաստաթղթերը՝ լիազորագիր, նրան ճանաչել են ընտրված մասնակից:

Հիմք ընդունելով վերոգրյալը, ինչպես նաև «Գնումների մասին» ՀՀ օրենքի 50-րդ հոդվածի պահանջները՝

ԽՆԴՐՈՒՄ ԵՄ

1. Պատվիրատուից պահանջել ներկայացնել ՎՁՄ-ՁՀ-ԳՀԾՁԲ -21/04 ծածկագրով անցկացված գնանշման հարցման հրավերի տեսա/ձայնագրությունը,

2. Ուսումնասիրել նշված փաստական հանգամանքներն ու փաստաթղթերը և իրավախախտում արձանագրելու դեպքում իրականացնել Ձեր լիազորությունները,
3. Ապօրինության հաստատման դեպքում չեղյալ համարել անցկացված գնման արձանագրությունը և ըստ անհրաժեշտության պարտավորեցնել Պատվիրատուին անցկացնել նոր գնանշման հարցման հրավեր՝ օրինականության խստիվ պահպանմամբ:

Կից ներկայացվում է՝

- ԱՁ Վահե Ավետիսյանի ՎՁՄ-ՉՀ-ԳՀԾՁԲ -21/04 գնանման հարցման հրավերի գնային առաջարկը,
- ՎՁՄ-ՉՀ-ԳՀԾՁԲ -21/04 գնանման հարցման հրավերի արձանագրությունը,
- Էդգար Ղազարյանի անձնագրի պատճեն,
- Բողոքարկման վճարը կատարած լինելը հիմնավորող փաստաթղթի պատճեն:

ՏԵՏԷ ՀԱՇՎԱՊԱՀՈՒԹՅՈՒՆ ՍՊԸ
Տնօրեն՝ Էդգար Ղազարյան



03 մարտ 2021թ.